

542  
1952/2


# დილა

„აქედით, ტურთა მკაბა,  
იღისენ, ქარაველი შინაო,  
და უმც, ქარაველი, სუაღლია  
ხანაბლა კახანაო.“



საქართველოს  
სახელმწიფო  
არქიტექტურისა  
და მშენებლობის  
უნივერსიტეტი

საქართველოს ალკა ცენტრალური კომიტეტის  
ყოველთვიური საბავშვო ჟურნალი მცირეწლოვანთათვის





ილია სინაპალიძე

ნახატი გ. ჩირინაშვილისა

## ნ ა რ ი ნ ჯ ე ბ ი

აგავსებენ მოსავალით  
თუ იშრომებ, გაირჯები,  
ჩვენი უხვი ნარინჯები,  
ჩვენი ნაზი ნარინჯები.

მანდარინი, გრეიფრუტი,  
ლიმონი და ფორთოხალი,  
დახუნძლოული ტოტებიდან  
დაგვეუბრებენ ოქროს თვალით.

შემოდგომით დამწიფდება,  
შემოდგომით უნდა ნახოთ,  
რა ფერი აქვს, რა სურნელი  
და რა გემო იმთ ნაყოფს.

აი, აგერ მკრეფავეები  
პლანტაციებს მოსდებიან;  
ხედავთ ქალებს კალათიანს,  
ხედავთ ვაყებს გოდრებიანს?!

კრეფენ, კრეფა არ თავდება,  
დგას ოქროს მთა, ოქროს ხეავი;  
რა წარმტაცი სურათია,  
რა ლამაზი სანახავი!

აგავსებენ მოსავალით  
თუ იშრომებ, გაირჯები,  
ჩვენი უხვი ნარინჯები,  
ჩვენი ნაზი ნარინჯები.



543

ანდრო ლომიძე

ნახატები ალ. ხანძელაძისა

## ძველი მეზღვაური

ნავსადგურში თავი მოუყრიათ სამხედრო ხომალდებს. ზოგი დიდია, ზოგიც პატარა.

სამხედრო კატარღაზე ზის ომგადახდილი ვაჟკაცი, ორდენებით მკერდლამშვენებული შუახნის ბოცმანი, გვერდით უდგას პატარა გივი და მამას ეკითხება:

— მამო, მაშაილო, ბაბუას მამაც მეზღვაური იყო?

ნესტორს, — გრძელ, ხშირ უღვაშებში ეღიმება, კეთილი, ზღვისფერი თვალებით უყურებს შვილს და ფიქრობს: მაგრძობინებს — კიდევ ერთხელ მიაშვე ბაბუაშენის თავგადასავალიო.

— მეზღვაური იყო, შვილო.

გივი თვალებში მიაჩერდა მამას, ნესტორმა გივი მუხლებზე დაისვა და უამბო:

— ამ ასი წლის წინათ, 1853 წელს, რუსეთსა და თურქეთს შორის ომი დაიწყო. შემოდგომა იწურებოდა, როცა რუსეთის რვა სამხედრო ხომალდი ღია ზღვაში გავიდა.

შავი ზღვა ღელავდა, იალქნებგაშლილი ხომალდები სწრაფად უახლოვდებოდნენ თურქეთის ნავსადგურს. ნავსადგურში თურქეთის სამხედრო ფლოტი იდგა. იგი ათი ხომალდისაგან შედგებოდა. რუსეთის ხომალდების მეთაურმა, ნიკიერმა აღმირალმა ნახიმოვმა ბრძანა: ხომალდები ნავსადგურთან გაჩერდნენო.

რუსეთის რვა ხომალდი ნავსადგურთან შედგა.

თურქეთის ნავსადგურში ჩაქვილი ატყდა. თურქები გასცქეროდნენ რუსე-




თის ხომალდებს და ფიქრობდნენ: ჩვენს ნავსადგურში ცხვირს ვერ შემოჰყოფენ, ერთხანს იქნებოან ასე და მერე უკანვე მოუსვამენო.

მართლაც, ნავსადგურში იოლი როდი იყო შესვლა. ხომალდების გარდა ნავსადგურს იცავდნენ ნაპირზე დადგმული ზარბაზნები. ნავსადგური ციხე-სიმაგრედ იყო გადაქცეული.

ნახმოვი ფიქრობდა: ნავსადგურში უნდა შევიდე და ისე გავუმართო ბრძოლა თურქებსო.

გავიდა რამდენიმე დღე. ნახმოვმა თვალი გადაავლო თავის მეზღვაურებს და გულში თქვა: ასეთი მეზღვაურებით თუნდაც მთელ მსოფლიოს შეეებრძოლებიო.

ბრძანება გასცა: ლუზები ამოეკრიბათ და ნავსადგურში შესულიყვნენ. რუსეთის ხომალდები ნავსადგურში რომ შეეჭრნენ, თურქები დაფაცურდნენ, შეშინებულნი მასროლა ატეხეს. თურქები აჩქარდნენ, ამიტომაც მცირე ზიანი მიაყენეს ჩვენს გემებს; ისიც უნდა გითხრა, შეილო, რომ რუსეთის ხომალდები უკეთ იყვნენ შეიარაღებულნი, ვიდრე თურქებისა. ჩვენი ზარბაზნები ისროდნენ ყუმბარებს, ყუმბარა სკდებოდა და ირგვლივ ყველაფერს ლეწავდა. თურქების ჭურვი თუჯისა იყო და არა სკდებოდა. ჩვენი ხომალდები მიუახლოვდნენ თურქების ხომალდებს, ლუზები ჩაჰყარეს და დინჯად, აუჩქარებლად ააქუსეს ზარბაზნები. თურქების ერთ



ხომალდზე უცებ ცეცხლის სვეტი აეარდა, მეორე ხომალდზე ანაა წაიქცა, მესამეზე ზარბაზანი ყირაზე შედგა და გაღატრიალდა, მეოთხე ხომალდს ხანძარი გაუჩნდა.

თურქები თურმე გააფთრებით უშენდნენ იმ ხომალდს, რომელიც ნახიშოვი იმყოფებოდა, მაგრამ ნახიშოვს წარბიც არ შეუხრია.

ჩქარა ნავსადგური დენთის კვამლში გაეხვია. ბრძოლა მხოლოდ ოც წუთს გაგრძელდა. თურქების ხომალდები იწვოდნენ. აღმოდებულ ხომალდებიდან თურქები წყალში ცვიოდნენ და ნაპირისაკენ მიცურავდნენ. ცეცხლი ხომალდის დენთის საწყობს რომ მიიღწევდა, უცებ უშვე-

ლებელი ალი გამოჩნდებოდა, მერე გუგუნი გაისმოდა და თურქების დამსხვრეული ხომალდი იძირებოდა.

ფეხში დაქრილი თურქების აღმირალი ოსმან-ფაშა, ციხე-სიმაგრის უფროსი და სხვები დაატყვევეს ჩვენებმა. თავს უშველა მხოლოდ მხდალმა ინგლისელმა მეზღვაურმა, რომელიც თურქების ერთ-ერთი ხომალდის უფროსი იყო. ბრძოლა რომ დაიწყო, მან მაშინვე ღია ზღვას მიაშურა და თურქები მიატოვა.

მამაცმა რუსმა მეზღვაურებმა მთელ მსოფლიოში გაითქვეს სახელი. რუსეთის ერთ-ერთ ხომალდზე ზარბაზნის მსროლელად ბაბუაჩემი ლევანიც მსახურობდა. ნახიშოვმა მასაც გამოუცხადა მადლობა.





ირაკლი აბაშიძე

ნახატები რ. ცუცქერიძისა

## რა სურვილიც მქონდა გულში

რა სურვილიც მქონდა გულში,  
წელს ამისდა, ამ საფხულში.

ბჭვე ტუტკვით, განა მიჭირს  
ახლა მისი გასხეუნება?

სკოლაში რომ გამოცხადდა  
სახაფხულო დასვენება,

ველებზე რომ სიმწიფეში  
შედიოდა ზურის ენა

სწორედ მაშინ მე და დედა  
მამამ სკოლაში წაგვიყვანა.

რა უოფილა კალოობა!

მოვიჯერე კიდევ გული,

სწორედ გითხრათ, არ შენახა

შრომა ასე დიდებული.

ხომ გინახავს კომბაინი,

ეს ზღაპრული საოცრება,

მკაში მათი შევებობა,

გასწრება და გამოსწრება?!

იგბა სიცხე, თითქოს მართლა

ცეცხლის ხლი სწვაუდა ივლისს,

ველს გუგუნნი აფხისლებდა

„სტალინელი“ კომბაინის.

მოდიოდა მოსაგვლი,

იმკებოდა ზურის ენა,

მამამ ველზე გამოეოლა,  
კომბაინთან მიმიყვანა.

ჩვენი კარის მეზობელი,

ჩვენი შაქრო კომბაინე,

წელში მარჯვედ გამართული

საბჭეს უჯდა კომბაინზე.

დარეოდა შიშვე თავთავს,

ველზე ჰქუნდა, ველზე ქროდა,

ამთავიდან — იმთავამდე

გაჰქონდა და გამოჰქონდა.

სახე ჰქონდა შხით დამწვარი,

თვალი როგორც ფენმარდ ირემს,

გადმომძასა: — „გაუმარჯოს

ჩვენს მომავალ კომბაინერს“.

რა უოფილა კომბაინი,

განა ზღწერს კაცის ენა!

შეის და ლეწავს ორივე მხარეს

მარჯვნივსკენ და მარცხნივსკენ.

თითქოს ჰქონდეს ორი სველი,

თითქოს ჰქონდეს მკვლავი

წველი,

მარჯვნივ თავთავს ჩაბღუ-

ჯავს —

მარცხნივ ცვივა გაღუწილი.



ასე მალე იღებს იცი  
 თვალუწვდენელ ჰურის ეანებს,  
 ძმურ ავტო კოლექტივის  
 ბელაბისკენ მიაქანებს.  
 რა სურვილიც მქონდა გულში,  
 წელს ამისდა, ამ ზაფხულში...  
 გული მკისკენ ისწრაფოდა,  
 მუდამ მკისკენ მქონდა თვალი...  
 მკაში ვიჯავ, ფიცხელ მკაში,  
 ვნახე დიდი მოსავალი.  
 მკა დამთავრდა, ჭირინასული  
 დაბინავდა ბევრსე ბევრი,  
 ეს ზაფხულიც გაილია,  
 კარს მოკვადგა სექტემბერი.  
 შორს, შორს, მთებზე ჩამოთოვა,  
 უვითოდებოდა მთა და ბარი,  
 სადაც იყო დარეკავდა,  
 მოკვიზმობდა სკოლის ზარი.  
 სკოლის ზარი, საამური  
 საუბარელი სკოლის ზარი...  
 მამამ ჩაკვსნა მანქანაში  
 თბილისისკენ დაუძარით.  
 ვმორდებოდი მკირფას სოფელს,  
 ჩემს ტოლ ბიჭებს, ჩემს ტოლ  
 ბაღლებს,  
 გულდაწვევით გაუცნობოდი  
 დამწიფებულ სიღის ბაღებს.

ტოტებიდან მომძახოდა  
 მწიფე ვაძლი, მწიფე მსხალი,  
 ლოუწითელ გორულ ატამს  
 ვღებოდა ცეცხლის ალი.  
 ბაღს ავსებდნენ სურნელებით,  
 აქანებდათ ნელი სიო,  
 უველა ერთად მომძახოდა: —  
 ჩვენც ჩამოვალთ ქალაქშიო...  
 შინ დაუბრუნდი ბედნიერი,  
 ვანით მრთელი, გულით  
 მრთელი,  
 ახლა ძლიერ, ძლიერ მსურდა,  
 რომ მენახა ზვარში რთველი.  
 მან იკითხოს ვინც სკოლაში  
 საბავშვითოდ არ მისულა...  
 მამამ კარგი სწავლისათვის  
 ეს სურვილიც ამისრულა.  
 მოგრილდა კოსტა ავტო,  
 (დავიღლები გზაში განა!)  
 და კვირა დღეს მამამ სოფლად  
 სულ გუგუნით გამაქანა.  
 გამაქანა კარდნახში,  
 უცებ მოვსვდით შუა რთველში.  
 რთველი, რთველი რა ვოფილა  
 ნეტავ იუთს ეოფელ ბუჭი!  
 ვაჟს ეურმენი ამძიმებდა  
 დათაფლული, დამაქრული,  
 მის უკეთესს რას იხილავ,  
 რას ინატრებს აბა, გული!





საქართველო  
კინოფილმების  
საერთაშორისო  
ფესტივალის  
პრემია

ეურძენს კრეფდნენ გაძალებით,  
ძლიერდნენ სმრავდნენ კოდრებს  
მხრებით,

სულ ზირამდე იუსებოდა  
მარნები და საწინასწები.  
ეველას ჰქონდა სასრუნავი,  
ეველას, დიდს აუ ზატარასა,  
ეურძენს კრეფდნენ, ამზადებდნენ  
წურსხელას და თათარასა.  
რა სურვილიც მქონდა გულში,  
სულ ამისდა, ამ ზაფხულში...  
შეამიც ვიუე, რთველიც ენახე,  
დიდ მოსავლის ენახე ხეაფი,

ასედა ერთი სურვილიც მაქვს,  
ერთი რამ მაქვს სანახავი;  
მინდა მხოლოდ აჭარაში  
სეზე ენახო ჩემის თვალით, —  
ოქროსფერი მანდარინი,  
ოქროსფერი ფორთოხალი,  
მეგრამ არა. წველს ეს კმარა,  
განსამდე ასე გავეძლით,  
გიცი, მამა ბევრ ფორთოხალს  
ჩამომიტანს საახალწლოდ...  
რა სურვილიც მქონდა გულში,  
წველს ამისდა, ამ ზაფხულში.





## ჰამალის გასამრჯელო

ფეხშიშველა, მოკლე შარვლის ამარა ჰამალი ანკარის\*) ერთ-ერთი ვიწრო ქუჩით სახლისაკენ მიაბიჯებდა. დღეს მთელი ქალაქი შემოიარა ამ პატარა ბიჭმა. სად არ იყო, ვის არ სთხოვა სამუშაოზე; მიმიღეთო, მაგრამ ყველამ უარი უთხრა. ღობიანი მელუქნეები ერთსა და იმავეს ამბობდნენ ჰამალზე: ძლივს დასლასებს, თან ისეა გამხდარი, რომ ნეკნები უჩანს. აბა, რა სამუშაოს შესძლებსო.

მესამე დღეა ჰამალს ლუქმა არ ჩაუღვია პირში, შიმშილით თვალები უჭრელდება და მუხლები ეკეცება.

რა ჰქნას, როგორ მოიქცეს, იმათხოვროს? არა, ჰამალს ეს არ შეუძლია. მშვერი მოკვდება, მაგრამ მოწყალეებისათვის ხელს არავის გაუშვერს. დღეს რაღა იქნება, საცაა დალამდება. დილაზე კი მთელ ქალაქს შემოვივლის. მისი მამაც ხომ თევობით დაეძებდა სამუშაოს. რა ბოროტები არიან პოლიციელები. ისინი ღამით მიუცვივდნენ სახლში, მამას ხელ-ფეხი შეუჯრებს და ძალით საღაც წაიყვანეს. ჰამალმა დედისაგან გაიგო მამის დაპატიმრების მიზეზი,—მამას უარი უთქვამს კორეის წინააღმდეგ ომში წასვლაზე.

ნეტავი სად არის მამა? ამას წინათ ჰამალს ძილში დედის ტირილი შემოესმა. ნუთუ მამა ცოცხალი აღარ არის! ნეტავი ერთხელ კიდევ აჩვენა თვალით საყვარელი მამა; როგორ მოეხვევა, როგორ დაუკონის ყელს, თვალებს... დედა მაინც არ გამხდარიყო ავად-ავადმყოფობით და შიმშილით ისეა დასუსტებული, რომ ფეხზე წამოდგომა უძნელდება. გუშინ ექიმის მოყვანა უნდოდა ჰამალს. რამდენიმე ექიმთან იყო კიდევ, მაგრამ უფულოდ აბა, ვინ გაპყვებოდა!

ჰამალმა ნაბიჯს აუჩქარა. მივა, მიხედავს დედას; იქნებ გუშინდელივით დედა საწოლზეა წამოშვდარი, აცრემილებული თვალებით ფანჯრიდან გასცქერის გზას და შვილის ლოდინში გული ელღევა.

ღოტა გზა-ლა დარჩა სახლამდე. კიდევ ერთი შესახვევი და მათი ქუჩაც გამოჩნდება.

ჰამალმა შესახვევთან თვალი მოჰკრა გაჩერებულ მანქანას, რომელსაც მძღოლი ჩაჰკირკიტებდა. მანქანიდან გადმოვიდა მალაღი კაცი, ორი ჩემოდანი ეტეფენილზე დალა და აქეთ-იქით დაიწყო ყურება. ქუცობოდა საღლაც აგვიანდებოდა.



\*) ანკარა—თურქეთის დედაქალაქი.



ხელურს შეება, ხოლო მეორე მარჯვენა ხელს. შემდეგ ჩემოდნების უზარმაზარ ზურგზე მოიგდო და წამოდგომას შეეცადა, მაგრამ ვერ შესძლო. მეორედაც შეეცადა ჩემოდნების აწევას, მესამედაც, მაგრამ ვერ მოახერხა ფეხზე წამოდგომა.

ამერიკელი განზე იდგა, სიგარეტს აბოლებდა და ისე შეშურებდა ჰამალს, თითქოს რაიმე სასიამოვნო სანახაობას უტყქერისო.

ჰამალი იმის შიშით, რომ ვაითუ ამერიკელმა ჩემოდნები აღარ წამალდებინოსო, ერთ წამსაც არ ჰკარავდა: ხან ერთ მხარს შეუგდებდა ტეროსს, ხან მეორეს. მთელ ძალღონეს იკრებდა, მაგრამ მაინც ვერ ერეოდა.

— ღია, ხელი მაინც ამიკარი, ერთი ფეხზე წამოვდგე და მერე მე ვიცი.

— თუ ფული გინდა, წაიღე, არ შეგიძლია და—ჰაილა! — თქვა ამერიკელმა და ჰამალს, თითქოს უღელში შემბული პირუტყვი ყოფილიყოს, კისერზე ჯოხი წასცხო. ტკივილისაგან ჰამალს თვალებიდან ცრემლები წამოსცვივდა. ამერიკელს ზიზღით შეხედა, მუხლის თავებზე წამოდგა, თავს ძალა დაატანა და როგორც იყო ფეხზე წამოიმართა.

ნეტავი დაგენახათ პატარა ჰამალი. წელში ოთხად იყო მოხრილი. სახსრები სტკიოდა, ფეხები ეკეცებოდა, მხარი ჯერ ეწვოდა, შემდეგ გაუბრუნდა. ძალიან უძემოდებოდა ტვირთის ტარება, მაგრამ გზას მაინც განაგრძობდა. იმის გაფიქრებაც კი, რომ თავის გასამარჯვლოთი ავადმყოფ დედას პურს ან რძეს უყიდდა, ძალღონეს მატებდა ბეშვს და სიმძიმეს უმსუბუქებდა.

ამერიკელი ჯოხის თამაშითა და სიგარეტის ბოლებით უკან მისდევდა, თანაც ეუბნებოდა:

— ჩქარა იარე, ჩქარა, არ დამაგვიანო.

დიდი გზა არა ჰქონდათ გასავლელი, მაგრამ ჰამალს ისე მოეჩვენა, თითქოს

„ეს კაცი ამერიკელია, თურქეთში ჩამოსული ამერიკელები კი ყველა მდიდრები არიან; იქნებ ჩემოდნები წამალდებინოს და ცოტადენი ფული მომცეს“ — გაიფიქრა ბიჭუნამ და უცნობთან მივიდა.

— ძია, ჩემოდნებს წავიღებ, გასამარჯელო რამდენიც გინდა, იმდენი მომიცე. — უთხრა ჰამალმა ამერიკელს.

ამერიკელმა ჰამალი ცალი თვალით შეათვალიერა.

— მხოლოდ ორივე ჩემოდანი უნდა აიკიდო, გესმის ბიჭო! ხურდა ფულს მოგცემ. — უთხრა მან მკაცრად.

ჰამალმა ძველი ქაშარი შეიხსნა, ქამრის ერთი წვერი ერთი ჩემოდნის სა-



მთელი დღის საგალი ყოფილიყოს რკინიგზის სადგურამდე.

— აქ დააწყე! — უთხრა ამერიკელმა მთლად ოფელში გაწურულ ჰამალს და ბარჯის შესანახი ოთახის შესავალთან შეჩერდა. ჰამალის ეგონა, რომ ტვირთს მხრიდან ადვილად ჩამოიღებდა, მაგრამ არც ეს იყო იოლი საქმე.

— ძია, ჩემოდნების ჩამოხსნა მაინც მიშედე! — შეეხვეწა ჰამალი ამერიკელს, მაგრამ ის განზე იხედებოდა, თითქოს ბავშვის ნათქვამი არ გაეგონოს.

უცებ სიმსუბუქე იგრძნო ჰამალმა; ვითარცის ღონიერმა ხელმა მას ზურგიდან მიმეტი ტვირთი მოხსნა და ძირს დადო.

ჰამალი შეტრიალდა, მის წინ მტვირთავი მუშა იდგა და სიბრალულით დაჰყურებდა ბიჭუნას.

— გმადლობ, ძია, — თავისდაკვრით უთხრა მას ჰამალმა.

— დიდი კაცი ვიზარდე, შეილო, — მიუგო მუშამ და ხელი ნაბიჯით რკინიგზის ბაქისაკენ წავიდა.

ამერიკელმა ჩემოდნებს ქამარი შემოხსნა და ჰამალს გადაუდგო. ჩემოდნები ბარჯის შესანახ ოთახში ჩააბარა. შემდეგ სიგარეტს მოუკიდა.

ჰამალი ამერიკელს წინ დაუდგა, ფულის ჩუქვებს ელოდებოდა, მაგრამ ამერიკელი გვერდზე შეტრიალდა, თითქოს ვერავის ხედავს.

— ძია, — უთხრა ჰამალმა მორიდებით, — ჩემი გასამრჯელო მომეცი.

კისერწვგრამელებული ამერიკელი მოედნისაკენ იცქირებოდა და ბავშვს პასუხს არ აძლევდა.

ჰამალმა კიდევ გაუმეორა თხოვნა, მაგრამ ამერიკელმა პასუხი კლავ არ გასცა.

— გესმის თუ არა, ძია, ფულს, ჩემო მეცი! — რაც ძალა და ღონე ჰქონდა — შეეხვეწა ძახა ბავშვმა და მკლავზე მოებლაუქა.

— რა ფულს თხოულობ?

— იმას, რაც მერგება.

— აჰა, შენთვის ესეც საკმარისია! — თქვა ამერიკელმა და ჰამალს სანახევროდ მოწული სიგარეტი გადაუდგო.

— შენთვის უფრო საჭიროა ეს მყარლი ნამწვავი! — შესძახა ჰამალმა და სიგარეტი სახეში ესროლა.

— თავს დამესხა, დააკავეთ ეგ არამზადა! — დაივირა ამერიკელმა და თვალზე ხელი მოსხა. ჰამალი კი მკვირცხლად გაიქცა. დაწვეით ვინ დაეწეოდა, მაგრამ მოედნის ბოლოს თურქმა პოლიციელმა გზა გადაუჭრა და კისერში ხელი წაავლო.

ჰამალი გასხლტომას შეეცადა, მაგრამ პოლიციელი მაგრად უჭერდა ხელს, შემდეგ ბავშვს ყურში ხელი წაავლო და ისე მაგრად აუწია, რომ კინალამ ყური აახია.

— ვაიმე, დედა, მიშველე, დედა! — გაიძახოდა ატირებული ჰამალი და ორივე ხელს გასისხლიანებულ ყურზე ისვამდა.

— შე ლაწირაკო, ახლა ხომ გეცოდინება, თუ ვის როგორ უნდა მოექცე! — დაუყვია პოლიციელმა ქვაფენილზე ჩაკეცილ ჰამალს და ფეხი მუცელში ჩასცხო...

ძლივს წამოდგა ჰამალი ფეხზე. თურქი პოლიციელი უკვე ამერიკელის წინ გამოქიმულიყო. გარკვევით დაინახა ჰამალმა, თუ როგორ ამოიღო ამერიკელმა ჯიბიდან ფული და პოლიციელს აჩუქა.

— დაცადე, ამერიკელო, გავიზრდები, სამაგიეროს გადავიხდი! — ჩაილაპარაკა ჰამალმა და ატირებული სახლისაკენ წავიდა.



## გაგონას სიმღერები

### როცა კარგად გათენდება...

როცა კარგად გათენდება,  
რვა საათი შეიქნება,  
დედის ძახილს როდი ვუცდი,  
მე თვითონვე მელვობება.

მე თვითონვე წამოვდგები,  
თქვენ გგონიათ დედას ველი?  
კარგად ვიცი სად აწყვია  
ფეხსაცმელი, ტანსაცმელი.

ჩქარა, ჩქარა, ჩქარა, ჩქარა!..

რაო, რაზე გეცინებათ?!

თუ კი ოღნავ შევგვიანდი,  
მასწავლებელს ეწყინება.

თავის დროზე ვინც არ წვება,  
იგვიანებს იგი მუდამ,  
მე კი არ მსურს დამიძახონ  
ზარმაცი და ძილისგულა!



### დილის ვარჯიში

რა სჯობია დილის ვარჯიშს:  
— ერთი, ორი, სამი.  
მუდამ ფეხზოდ უნდა იყო,  
არ დაჰკარგო წამი.

ხელებს სწრაფად ვატრიალებ,  
— ერთი, ორი, სამი.  
მე ჩემს სხეულს მევაზრებო,  
გავიკაყებ ამით.

ფეხებს მარჯვედ ვამოძრავებ,  
— ერთი, ორი, სამი.  
უჰ, რამდენი ვივარჯიშეთ,  
შევისვენოთ მაგი!

ნახატები რ. სტურუაზა



თამარ ჩხაიძე

ნახატები ვ. ჯაფარიძისა

## ც ი ვ წ კ ა ლ ა

ძლიერ შევწოდა მდინარე ცივწყალას მის გულზე საცალფეხო ხიდ. ით გადაწოლილი დიდი შრიალა ხე. ტკბილად ცხოვრობდნენ ისინი, სანამ ნაპირზე საზომებით და სხვადასხვა სამშენებლო იარაღებით აღჭურვილი აღამიანები მოვიდოდნენ. ერთს, ყველაზე ახოვან ვაჟკაცს მკერდზე ოქროს ვარსკვლავი უბრწყინავდა. სწორედ ის ვაჟკაცი იყო რომ თქვა:

— აქედან არხი უნდა გაიყვანოთ. ტრამალზე ტყეები გავაწენოთ. უდაბნოს წყურვილი მოვუკლათ!

— არის! — შესძახეს დანარჩენებმა.

არ გაუგონია ეს სიტყვები ცივწყალას, ან კიდევ რომ გაეგონა, განა მიხვდებოდა? სამაგიეროთ ის კი ნახა, რომ შრიალა ხე ამოთხარეს და წაიღეს. აღრიალდა ცივწყალა, მაგრამ უარი ვინ უღდა.

შეწყდა წისქვილში მუწისქვილე ნიკოს „ინდი-მინდის“ ლილინტი.

— უდაბურ ველზე ელექტრონის წისქვილს აშენებენ და იქ მიმწვივებს! — უთხრა ერთ დღეს ცივწყალას მუწისქვილემ, ხელპირი ცივი წყლით დაიბანა, პაპისეული ქრელი ხურჯინი მხარზე გადაიგდო და გზას გაუღდა.

მეთექვსე უმაწვილებმაც აიღეს ცივწყალაზე ხელი, — იმთაღ საქმე გაუჩინა ოქროს ვარსკვლავიანმა.

იმ დღის შემდეგ ცივწყალას ისინი აღარ უნახავს.

მხოლოდ ავტო-მანქანები დარბოდნენ ახალ ხიდზე; საშენ მასალას მიეზიდებოდნენ, მწვანე ნერგებს მიაშრილებდნენ. გაბრაზდა ცივწყალა, ისე ძლიერ გაბრაზდა, რომ ქვები აახრიალა: არც ნიკო ჰყავდა, არც მეთევზე ბიჭუნები, არც საყვარელი შრიალა ხე. ამბავი მიინც გავიგოო, — დუღუნებდა და ერთხელ ნაპირზე მოსულ ნიშა ხარს შეეკითხა: შრიალა



ხომ არსად შეგხვედრიო, მაგრამ პასუხის ნაცვლად ნიშამ თქვა:

ჩემს მაგივრად მიწას რკინის ხარს — ტრაქტორს ახეწევენებენო, — და ბოლომინი გული ცივი წყლით გაიგრილა. ვერ გაიგო ცივწყალამ მეგობრების ამბავი, მაგრამ ის კი გაიგო, რომ მეგობრების დაკარგვა ნაპირზე მომუშავე ხალხის ბრალი იყო.

დაიცადეთ, ჩამივარდებით ხელში, მე ვიცი თქვენიო, — ემუქრებოდა მშენებლებს და სიბრაზისაგან ისე სივდებოდა, რომ კალაპატში ვეღარ ეტეოდა.

ერთხელ, კოკისპირული წვიმის დროს, ისე აღიღდა, რომ გვირაბში შეუვარდა მშენებლებს, კედლები ჩამოანგრია, მორევი დაატრიალა და ომი გამართა.

რაც უფრო უძაღვლებოდათ მდინარე, მით უფრო ეძაღვებოდნენ და იმორჩილებდნენ მას მშენებლები. ერთ მშვენიერ დღეს სავალი გზა ჩაუკეტეს და ჩასახეს: საღაც შენი თქვა, იქ ჩვენიც არ დაგავიწყდესო.

ცივწყალა აქეთ ეცა, იქით ეცა, ახტა-დახტა, ვერას გახდა, და, ბოლოს, არსსახალი მიწებისაკენ გაჰყვა.

მზურვალე ტაშით მიაცილებდნენ ცივწყალას, გზას ულოცავდნენ, ვარდ-ყვავილებს და ვაზის ფოთლებს ატანდნენ: მოსავალი გვიმრავლეო, — მისძახოდნენ.

არაფერსაც არ გიმრავლებთ, ტოლ-მეგობრებს მოწყვეტილი დარდისაგან გავშრებიო, — მიღუღუნებდა ცივწყალა და სიცხისაგან დახეთქილ, ტრიალ მინდორზე მიედინებოდა.

უსებ გზაზე ხე შემოხვდა, აშოლტილი, ტანმაღალი და სიამით გული აუტოკდა ცივწყალას.

— შრიალა ხომ არსად გინახავს?! — უნდოდა ეკითხა, მაგრამ სათქმელი უთქმელი დარჩა, ის ხე ხომ შრიალა იყო! გახა მხოლოდ ის, უჰ, რამდენი ხეები ეგებებოდნენ მხიარულად. წყალი მოდის, წყალი მოდის! შარიშურობდნენ ისინი მორცხვად და ცივწყალას მოწიწებით თავს უკრავდნენ.



გაუხარდა ცივწყალას, ხეებს ფესვებზე შემოევლო, მოუკლა წყურვილი და ნაბიჯს უმატა.

იარა, იარა. ენახოთ ერთ მოსახვევში, ერთმა ბიჭუნამ ანკესი სტყორცნა და კალმახი ოსტატურად დაიკირა.

გოგი ხომ არა ხარ? — უნდოდა ეკითხა მზით გარუჯული ყმაწვილისათვის, მაგრამ სიხარულით შეხტა და ტალღები შეათამაშა, — ის ბიჭი ხომ გოგი იყო! და განა მხოლოდ გოგი! — ყველა ნაცნობი ყმაწვილი იქ დაუხვდა.

— წყალი მოდის, წყალი მოდის! ჩვენც გაგვახარებს და ჩვენს მიერ დარგულ ხეებსაც! — გაიძახოდნენ ისინი და ცივწყალას ზვირთებში ქუყმალაობდნენ. უფრო ძლიერ გაუხარდა ცივწყალას, უფრო უმატა ნაბიჯს. იარა, იარა, უცებ „ინდი-მინდის“ ღიღინი მოესმა.

ნიკო ხომ არსად გინახავს, — უნდოდა ეკითხა ახალი, კოხტა შენობიდან გა-

მოსული მოხუცისათვის, მაგრამ შეკითხვა ველარ მოასწრო, ის ბერიკაცი ხომ ნიკო იყო.

— აბა, ცივწყალავ, შენებურად დატრიალდი, რომ ჩვენმა ელექტროწისქვილმა ჩვენთან ერთად მხიარულად იღუღუნოს! — ღიმილით უთხრა ნიკომ და აღერსიანად გააყოლა თვალი.

განა მხოლოდ ნიკო ნახა იმ ახალსოფელში! მისი ძველი ნაცნობები იქ დასახლებულიყვნენ, ფართო კარ-მიდამოში ხეხილი ჩაეყარათ და არხებში მოკამკამე ცივწყალას ცივ მკერდზე ხელებს უტლამუნებდნენ. გაუხარდა ცივწყალას ხალხის დანახვა, ისე ძლიერ გაუხარდა, რომ შეხტა-შეითამაშა და ნაბიჯს უფრო უმატა.

იარა, იარა, ტრამალი სამჯერ შემოიარა და ვინ მოთვლის, რამდენს ივლის, სანამ მზისაგან გადაშვეარ ველ-მინდვრებს წალკოტად გადააქცევს.



ცეკვის შემდეგ

ნახტი ალ. ვეფხვიას





ალკარ ხანგალიძე

ნახატი შ. ცხადაძისა

### შ ე მ ო დ გ ო მ ა

შორს, შორს ახალდათოვლილი  
თეთრნაბადა მთები მოჩანს,  
გადაყვითლდა ტყე და ველი  
და ოქროსფრად შეიმოსა.  
  
ბარაქიან შემოდგომას  
დაუქარგავს ბალ-ვენახი,

ტყე გუგუნით იმეორებს  
ტკბილ სიმღერას, ლალ შედახილს.  
  
შეისწორეს ფრთა ფრთოსნებმა,  
სამბრეთისკენ წასვლის დროა.  
მთიდან თოვლი იშუქრება:  
„ბარშიც მოვალ!“ „ბარშიც მოვალ!“

5413

ირაკლი გომიჩიძე

ნახატი გ. ფოცხიშვილისა

### კ ე ნ გ უ რ უ

ღილით ზოოლოგიურ ბაღში ხმა გა-  
ვრცელდა: ახალ ცხოველს მოიყვანნო.  
შუადღემ მოაღწია. ზოოლოგიური ბა-  
ღის მკვიდრებს მოუთმენლობა დაეტ-  
ყოთ. ნადირები ცნობისმოყვარეობით  
მოელოდნენ სტუმარს.

უცებ ხის კენწეროზე შემომჯდარმა  
არწივმა დაიყვირა:  
— მოჰყავთ! მოჰყავთ!

ზოოლოგიური ბაღის ეზოში ავტო-  
მობილი შემოვიდა. მას უკან ვეგებრთელა  
რკინის გალია ჰქონდა გამოზბმული, რო-  
მელშიც უცხო ცხოველი იყო.

ამ ცხოველს თავი, მკერდი და წინა  
ფეხები ძალიან პატარა ჰქონდა, სამაგი-  
ეროდ უკანა ფეხები და კუდი უზარმა-  
ზარი. გაწვრთნილი ძალღივით იჯდა და

წინა ფეხები მკერდზე დაეკრეფა.

— ერთი უყურეთ, როგორ სასაცი-  
ლოდ ზის! — ჩაინთხითა ულახათო ბეჭე-  
მოტმა.

— ნამდვილ სამფეხს ჰგავს კუდზე და  
უკანა ფეხებზე წამოსკუპებული. — დაუკრა  
კვერი ჟირაფმა.

— ეს ხომ კენგურუა! — სიხარულით  
დაიძახა გარეულმა ძაღლმა დინგომ და  
გალიის ბადესთან მივიარდა.

— ეი, ძმობილო, რა ამბავია ავსტრა-  
ლიაში?!

კენგურუ არავის აქცევდა ყურადღე-  
ბას. იგი გამეტებით ეჩნევადა თავს, კან-  
კალებდა და პირიდან ქაფი ჩამოსდიოდა.

— ისე ჰყავთ მიჯაჭვული, ეტყობა ღი-  
დი გულადი ვინმეა. — თქვა ზებრამ.



— გულადი კი არა, მშიშარაა, —  
 გაუსწორა დინგომ და განაგრძო: —  
 მე მას კარგად ვიცნობ. ის ჩემსა-  
 ვით ავსტრალიაში ცხოვრობს. კენგუ-  
 რუსთანა ფრთხილი გარეული ცხოველი  
 იშვიათია. სანამ გალიაში ყოფნას მიე-  
 ჩვეოდეს, შიგვე უნდა დააბან, თორემ  
 შიშით ხტუნვას დაიწყებს, თავს ვაიტებს  
 და მოკვდება. აი, ახლა თავს რომ იქნევს  
 და ყურებს აპარტყუნებს, — ესეც შიშით  
 მოსდის.

კენგურუ მთელი დღის განმავლობაში  
 შიშისაგან კანკალებდა. ხანდახან ღონიერ-  
 აღად გაიწევედა, ახტომა უნდოდა. გულ-  
 კეთილ თეთრ დათვს ძლიერ შეეცოდა  
 ეს ფრთხილი ცხოველი.

— ნურაფრის გეშინია, ძმობილო, —

უთხრა მან კენგურუს. — ამდენ ცხოველებ-  
 სა და ფრინველებში არავინ არის უკმა-  
 ყოფილო აქ ყოფნით. ჩვენი მომეღვლე-  
 ბი ზრუნვასა და ყურადღებას არ გვაკ-  
 ლებენ!

იმ გალიის კარებს, რომელშიც კენგუ-  
 რუ გადაიყვანეს, ფიცრის პატარა დაფა  
 მიაკრეს წარწერით, რომელზედაც მნახ-  
 ველმა ბავშვებმა წაიკითხეს: „ძუძუმწო-  
 ვართა ჩანთოსანი წარმომადგენელი, გი-  
 განტი კენგურუ“.

— ჩანთოსანო, ჩანთოსანო! — გაისმა  
 თუთიყუშის დამცინავი ხმა.

— მერე და რა არის აქ სასაცილო! —  
 თქვა ნაწყენმა კენგურუმ, — ჩანთოსანს  
 იმიტომ მუქახიან, რომ შვილს ვზრდი  
 ჩანთაში.



— ამის გამგონე მაიმუნე გაკვირვებისა-  
გან კინალამ საქანელადან ვადმოვარდა.

— როგორ თუ ჩანთაში ზრდი? —  
ერთხმად იკითხა რამდენიმე ცხოველმა.

— თუ გაინტერესებთ, გაამბობთ ჩემს  
შესახებ.— თქვა ჩანთოსანმა და იქ მყოფთ  
გადახედა.

— გვიამბე, გვიამბე!  
ფრინველები ღირებზე და ხის ტო-  
ტიზე ჩამოსხდნენ, ცხოველებმა თავიან-  
თი ვალიების ბადესთან მოიკალათეს.  
ყველა მოსასმენად მოემზადა.

— ჩემს სამშობლოში, ავსტრალიაში,  
— დაიწყო კენგურუმ, — სხვადსხვა სახის  
კენგურუები ცხოვრობენ. ზოგი კურდ-  
ღელივით პატარაა, ზოგი კი ჩემსა-  
ვით მაღალია. ჩვენ მინდერებში ჯოგად  
ვცხოვრობდით, გადავდიოდით ერთი  
ადგილიდან მეორეზე, ვძოვდით ბა-  
ლახს, ვკამდით ხის ქერქს, კვირტებს,  
ნაყოფს...

გაზაფხულზე ერთი შვილი მეყოლა.  
მისმა სიპატარავემ ვამოაცა: ერთ გოჯზე  
კოტა მებტი თუ იქნებოდა, არც ხელები  
აჩნდა და არც ფეხები.

— შენც ასეთი პატარა იყავი? — გაოც-  
და ზებრა.

— რა თქმა უნდა. ახლა ორ მეტრზე  
მაღალი ვარ, დაბადებისას კი სამი სან-  
ტიმეტრი ძლივს ვიქნებოდი. შვილებს  
რვა თვის განმავლობაში ჩანთით ვატა-  
რებთ.

— მერე და ეს ჩანთა სადა გაქვს? —  
ჰკითხა მაიმუნმა.

— აი, — და კენგურუმ ყველას უჩვენ-  
და თავისი მუცლის ჩანთა. — ამ ჩანთაში  
ჩავსვი ჩემი შვილი. — განაგრძო მან, — ის  
იმდენად უსუსური იყო, რომ ძუძუზე  
პირით მიკრულს, რძის წოვაც კი არ შე-  
ეძლო, რმე თვითონ ედინებოდა პირში.  
ასე იყო თითქმის ხუთი თვის განმავლო-  
ბაში.

— რას ამბობ! — წამოიძახა ყირაფმა, —  
ჩემი შვილი დაბადებიდან ათი საათის  
შემდეგ სირბილს იწყებს და როგორ შე-

იძლება პატარა კენგურუმ ამდენი ხნის  
განმავლობაში ძუძუს წოვა ვერ  
სძლებოდა?

— ცხოველებში ყველაზე ნელა ჩვენი  
შვილები ვითარდებიან, — უპასუხა კენ-  
გურუმ.

— შემდეგ, შემდეგ, გვიამბე! — ჩაერია  
საუბარში მაიმუნი, და კენგურუმ განაგ-  
როძო:

— ექვსი თვის რომ გახდა, ჩემმა შვილ-  
მა ჩანთიდან თავი ამოჰყო. მე შემეშინ-  
და, რომ არ ვადმოვარდნილიყო და  
ღვეტუქსე. მან ფეხებიც ამოაპარა. რაც  
ღრო ვადიოდა პატარა კენგურუ უფრო  
ეშმაკდებოდა. ბოლოს ჩანთიდან ამოხტო-  
მაც დაიწყო, მაგრამ ჩემგან შორს წასვ-  
ლას ვერ ბედავდა. თუ შეეშინდებოდა,  
ხტუნვა-ხტუნვით ჩემთან მოვარდებოდა  
და თავდაყირა ჩანთაში ჩაეშვებოდა. იქ  
კი აბა, რა შეაწუხებდა. მე სმენა ძალიან  
განვითარებული მაქვს და მტრის მო-  
ახლოებას შორიდანვე ვიგებ, სირბილ-  
შიც ძნელად თუ ვინმე დამეწევა. ბო-  
ლოს ჩემი შვილიც წამოიხარდა და უკვე  
სირბილი შეეძლო.

ერთხელ ჩვენს ჯოგს თავს დაესხა გარე-  
ული ძაღლების ხროვა. სასტიკი ბრძო-  
ლა გაიმართა. მე წიხლებით და კბილე-  
ბით ვეგერიებდი მტერს. ძაღლები წა-  
მით შეჩერდნენ, ამით ვისარგებლე და  
გავიქეცი, მტერი დამედგნა. გავრბო-  
დი უკანმოუხედავად; ამმეტრიან ნახტო-  
მებს ვაკეთებდი, მაღალ ბურქებს თავზე  
მეველებოდი... როგორც იქნა ძაღლებს  
თავი დავაღწიე... მაგრამ ადამიანებმა შე-  
იპყრეს...

— მერე, მერე! — წამოიყვირა სულწა-  
სულმა მაიმუნმა.

— მერე დაიჭირეს და ჩვენთან მოი-  
ყვანეს! — გასცა პასუხი თუთიყუშმა.

— ნუ დარდობ, — დაამშვიდა კენგურუ  
სპილომ, — ამ ზოოლოგიურ ბაღში შენც  
უზრუნველყოფილი იქნები.



15/125 2 78/195

№ 12  
1958 წლის



წელი 2 მან.

ზაქარია შავაზაძის მიერ

### თვითმფრინავი

მე და დამომ კავაკეთეთ  
თვითმფრინავის მოდელი,  
სივრძე ერთი ციდა ჰქონდა,  
ფრთები — შტკავლის ოღენი.

საქალაქო შეჯიბრება  
იყო მისი გამოცდა,  
ცაში ისე ნავარდობდა, —  
მთელი ხალხი გაოცდა.

ეველა უკან მოიტოვა,  
ფრთებით ღრუბლებს ეკვროდა.  
მისი ფრენის შედეგები  
დაამტკიცეს რეკორდად!



ქვის მხატვრობა გურთენის რ. ჯაშ

რედაქტორი იოსებ ნინუაშვილი, სარედაქციო კოლეგია: გრ. აბაშიძე, ეკ. ბურჯანაძე, ი. გრიშაშვილი,  
თ. თუმანიშვილი, მაცულა შარვაშიაშვილი (რედაქტორის მოადგილე), რ. შარვაშიანი, ი. ხიზარულაძე, ნ. უნაქოშვილი,  
შ. ცხადაძე.

Д И Ж А — ежемесечный детский журнал ЦК ЛКСМ ГРУЗИИ № 10 Октября 1958 г. Тбилиси, Ленина 14.  
საბჭოთაო რედაქციის მისამართი, თბილისი, ლენინის 14, 3 სართ. ტელ. 6-37-38  
გამომცემი, მკეც. № 330 სტამბის მეც. № 9042816 ტირაჟი 15,000 ჯგ 66101